

զերծան յայնմ պատուհասէ. և զայս լրեհալ վէզիրն ի լուռ եղև յայնմ օրէ:

Կիրակի Թէոդորոսի (15 Փետր.):

Դշիս¹⁾ և Եշիս (18 և 19 Փետր.) պատասխանի գրեցի, ոչ գնալով ի խանութ, թղթիցն Վարդապետին (Եղիազար), որ Եշի օրս գնաց սային:

Պուրսացիք թուղթ ուղարկեցին քաղաքացոցս Զշի օրս (20 Փետր.) թէ Մուղնեցին աստ կամի գալ, զի՞նչ ասէք:

Կիրակի Անառակի (22 Փետր.). ի մօտ Գաբրիէլ վարդապետն գնացի, և բազում խօսս եղեալ ի միջի մեր և բազում խնդրուածովք հայցեաց թէ Զի և դուք մի ճար գտեալ զիս հանիցէք աստի:

Եւ Բշի օրս (23 Փետր.) Պուրսացոց թղթին պատասխանի գրեցի և վասն Մուղնեցուն:

Եւ առուրքս վէզիրն թէ որչափ ղօլ կայր չէնկոյ՝ զամենեսեան ի թին տվաւ, բայց միայն ճէվահիր ղօլին պրծաւ յառաջագոյն փախչելովն, այլ զամենեսեան որ եգիտ, ղօլ ղօլ գնոսա ի թին ետուր: Բշի օրս զթուղն հանեցին թագաւորին, իբր թէ ուղղեցաւ գնալն ցամաքաւ ի պատերազմ:

Եւ երեկոյիս Երուսաղէմայ Ստեփանոսն եկաւ հանդերձ թղթիւք. և ի մէջ թղթիցն այս էր թահրիր, զի զմի դուռ Ծննդեանն Քրիստոսի առեալ և ի վերայ նորին պատարագ արարեալ և ի Ա. կանթեղ լուցեալ անդ, և զտեղ Հապաչիցն զամենայն և զկանթեղս նոցին զամենայն առեալ է և տիրեալ է Եղիազար վարդապետն մեծաւ դատաստանաւ և բազում ամբոյսիւ Ղազայ փաշայիւն և Երուսաղէմայ փաշայիւն և մուֆտիւն՝ Հիւսէմզատէիւն եւ այլ քաղաքի արամբքն²⁾, աստի առեալ խէթիշերիֆովն ձեռամբ Պօյնուէկրի վէզիրին:

1) Զշիս.

2) արամբքն.